

世界地理教科書

戰後增訂

講習
適用

世界地理教科書

中華書局印行

民國三年一月十日
民國十一年三月十日
民國十一年三月十日
民國十一年三月十日



總發行所
分發行所

編輯者 閱者 發行者 印刷者 印刷所

上海棋盤街

北京天津奉天廣州長沙開封溫州長春
漢口南昌南京杭州濟南保定武昌太原
常德福州成都重慶雲南徐州西安汕頭
沙市蘭州衡州貴陽吉林潮州安慶桂林
東昌府門邢台綏化煙台鄭州
石家莊黑龍江張家口新加坡

(調習世界地理教科書) 全一冊
每冊定價銀五角

溧陽史禮經
桐鄉陸費達
杭縣姚漢章
中華書局
中華書局
中華書局
上海靜安寺路一九二號
中華書局
中華書局
中華書局

編輯大意

一、本書接續講習中國地理編輯。故學理彼此聯絡。取材極新。擇義極精。今世大戰後之變遷。如新國之成立。疆域之割讓。頗爲複雜。茲特重加增訂。資料嶄新。措辭亦復明顯。

二、本書體裁。首通論。敘一洲地文人文之大概。次分論。分述各國地文人文之大概。都會則舉其重要者。再次括論。總言一洲大事。與夫種族競爭之關係。並加斷語。以達應用之階級。既饒興趣。又合教程。

三、欲觀念之精確。宜從事於比較。本書對於面積、人口、山脈、水流、物產、產業、都會。凡可以比較者。無不指出某居幾分之幾。某居第幾位。書末更附戰前戰後、世界強國國力比較表。及地形比較表多種。用備參證。

四、本書與本局出版之新制新編各高等小學地理教科書。一致聯絡。學者熟習是書。將來實地教授。最爲便利。

五、本書地名。多宗湖北輿地學會出版各圖。其譯名有未合者。則兼採近時通行之本。

講習
適用

世界地理教科書

目 錄

第一編 亞細亞洲

第一章 分論

第一節 日本

第二節 亞洲俄羅斯

第三節 亞洲土耳其及阿剌伯

第四節 伊蘭高原諸國

第五節 印度

第六節 印度支那

目 錄

第七節 馬來羣島

第二編 大洋洲

第一章 通論

第二章 分論

第一節 澳斯大刺拉西亞

第二節 太平洋諸島

第三章 大洋洲括論

第三編 歐羅巴洲

第一章 通論

第二章 分論

第一節 歐洲俄羅斯
新興諸共和國

第二節 瑞典 挪威

第三節 丹麥

第四節 德意志

第五節 奧地利亞 匈牙利 捷克斯洛佛克

第六節 巴爾幹半島諸國

巨哥斯
拉夫附

第七節 意大利

第八節 瑞士

第九節 法蘭西

第十節 比利時

第十一節 荷蘭

第十二節 英吉利

第十三節 西班牙 葡萄牙

第十四節 歐洲諸小國

第三章 歐羅巴洲括論

第四編 阿非利加洲

第一章 通論

第二章 分論

第一節 北部地方

第二節 東部地方

第三節 南部地方

第四節 西部地方

第五節 中部地方

第六節 屬島

第三章 阿非利加洲括論

第五編 北亞美利加洲

第一章 通論

第二章 分論

第一節 加拿他

第二節 美利堅

第三節 墨西哥

第四節 中央亞美利加

第五節 西印度羣島

第三章 北亞美利加洲括論

目 錄

第六編 南亞美利加洲

第一章 通論

第二章 分論

第一節 安達斯山地方

第二節 疇勒諾哥及亞馬孫兩流域

第三節 拉巴拉他流域

第三章 南亞美利加洲括論

第七編 南北極地方

第一章 北極地方

第二章 南極地方

表附

講習適用

世界地理教科書

第一編 亞細亞洲

第一章 分論

第一節 日本

地文。日本帝國在亞洲東偏合太平洋西北隅諸島而成。舊有大島四。中島五。小島約三千餘。乃其初奪我庫頁琉球。繼割我臺灣及澎湖諸島。終併我朝鮮疆土。日關。駸駸乎由島國進於大陸國矣。面積合朝鮮臺灣等。約當本洲七十分之一。我國十七分之一。今大戰後。又佔領太平洋德領之加羅林羣島等。日本四周面海。海岸綫長至五萬餘里。瀕太平洋方面。多石壁矗立。少良港。瀕日本海方面。善屈曲。多港灣。近海島嶼縈廻。尤難以數計。本州島與四國島間。

有內海。曰瀨戶。兩岸青松。倒影海心。風光明媚。西人目爲東洋之瑞士。

內地狹長多山。庫頁山脈自東北向西南。崑崙山脈自西南趨東北。盤紆境內。結爲地脊。火山多至七十二座。富士最高。達萬二千尺。積雪皚皚。終歲不化。河流短而急。如蝦夷島之石狩川。本州島之信濃川。源委稍長。大湖曰琵琶。以形類琵琶故名。周圍百餘里。風景佳絕。

日本地質。由山岳而成。高下不一。北近寒帶。南達熱帶。東岸受日本暖流之影響。西岸受鄂霍次克寒流之影響。故其氣候。至不平均。以全部論之。大率溫和。適於人生。惟較歐洲西岸地中海沿岸同緯度諸國。稍覺寒冷。

都會。首府東京。位東京灣北岸。街衢清潔。學校林立。車聲鱗鱗。行人如織。人口一百八十萬。占世界都會第六位。本國都會第一位。橫濱在東京西南。全國第一通商埠也。地當太平洋航路之衝。內外船舶常以此爲聚集地。有我國

中華會館橫須賀當其南扼東京灣咽喉形勢雄健爲日本第一海軍港。西京在琵琶湖西爲日本舊都風景勝古蹟多遊人常踵接焉西南有商埠二曰大阪爲全國工業之中心曰神戶爲世界航行之樞紐長崎據九州西北當美亞航路之衝距我上海僅三日程日本最古商埠也馬關位本州極南與門司隔水相望扼瀨戶內海門戶甲午之役我國與日訂約於此是曰馬關條約。

臺灣島 臺灣位我福建省東爲太平洋中一大島大山縱貫南北高山其最高峯也水以淡水河較大有名物產爲樟腦爲煤淡水基隆有面積廣大之煤田質鬆易燃樟腦爲日政府專賣品年達二百二十萬元主要都會曰臺北曰臺中曰臺南臺北城內清潔今總督駐之臺中居本島中扼南北衝要臺南商業繁盛推一島之冠臺灣廈門間有澎湖羣島

大小凡五十六。舊與臺灣爲我一行省。以民國紀元前十八年馬關條約割歸日本。日本分其地爲二十廳。設總督治之。惟大山東部土著馬來族盤踞其間。性獍猛。常出劫掠。時爲居民患。不服日官治理。

琉球羣島。琉球大小凡三十六嶼。介日本臺灣之中。川澤潏洄。土脈肥沃。舊分山南山北中山三國。後并爲一。稱中山國。我藩屬也。民國紀元前三十三年日本滅之。設沖繩縣。

庫頁島。庫頁隔宗谷海峽與蝦夷島相值。本我三姓副都統轄地。民國紀元前六十三年。俄佔是島。附近各島嶼。五十九年。俄佔島地。由是厥後日俄以境界問題。屢起交涉。卒訂交換約。俄以千島羣島與日。佔有庫頁全島。及日俄戰後。俄割北緯五十度以南地與日。今北部又爲日本所佔。朝鮮。朝鮮北以鴨綠江圖們江與我分界。爲突出日本海黃海間之一

半島全土輪廓或比之一兔奮躍前進形容甚切向屬我國及民國紀元前二年日併之

朝鮮三面濱海港灣紛歧西南兩海岸尤富曲折島嶼亦衆地勢多山大關山脈由我國吉林長白山來自北而南縱貫全境成丁字形支脈分布如扇面大同江漢江錦江洛東江胥於此發源焉氣候北部寒冷每至冬日河流凝結堅冰西南稍溫和釜山當朝鮮東南端亞東航路要衝也絕影島橫其前海口岐爲二港深宜棹泊南隔一海峽望對馬僅距馬關百二十海里實爲自日本本部渡韓必經之道仁川地形險要域內第一通商埠也貿易額年占全域之半漢城在仁川東北原爲朝鮮都城今朝鮮總督駐焉京釜鐵道南通釜山京義鐵道北達新義州平壤居水陸交通要點箕子故都也甲午之役日軍自漢城據平壤我師殲焉

新義州。建鴨綠江東岸。渡江達我奉天。安東。日本將欲架橋江上。聯接安奉綫。元山。津爲朝鮮東海岸主要商埠。

朝鮮物產。以米麥大豆菸葉綿麻人參爲著。礦產多金銅鐵。北部尤饒金沙。沿岸富水產。

人文。日本人民概屬亞細亞種。分數族。曰大和族。徧日本本部。體格短小精悍。尙俠重武。熱心愛國。曰倭族。分布蝦夷島、千島、庫頁島。今漸滅無幾。臺灣島有漢族及土著馬來族。朝鮮則純然朝鮮族也。人口約在六千萬以上。宗教分神道、佛、耶穌三派。朝鮮人多信鬼神教。自物質文明進步。不奉宗教者漸多。教育古重漢學。維新以後。一變舊制。改設學校。通國小學校多至二萬七千餘所。朝鮮猶不在內。可謂盛矣。普通教育施行義務制。定六歲爲就學年齡。除朝鮮外。其學童比例。百人中占九十六人。